



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De plaga Frisiae, ob iniuriam dominici corporis, cap. 3.

urn:nbn:de:hbz:466:1-13177

PARVO post hæc emenso tempore, anno videlicet gratiae 1218. mare in partibus Frisiae terminos tuos egrediens, multarum prouinciarum terras occupauit, villas deleuit, Ecclesiæ lapideas dejecit, tantam extingueens hominum multititudinem, ut summa centum millia transcenderet. Ita exaltati sunt luctus eius, ut turrium altitudines operire videretur, & procella procellam impellens, generale diluvium minaretur. Et, sicut dictum fuit Abbati nostro, cum eodem anno visitationis gratia Frisiam intrasset, fluctus furentes etiam usque Coloniam peruenissent, si non is, qui eos excitauerat, genitricis suæ, ut postea dicetur, precibus compescuisset. **A POLLONIVS:** Nostri causam tantæ plagæ? **CÆSARIVS:** Noui; Fries quidam arte pugil in eadem prouincia exitit, qui quotiens de taberna ebrius redijt, toties uxorem verberibus & plagiis satis tribulanit. Tempore quodam, timore mariti infirmitatem simulans, ne simulatio eadem posset notari, corpus Domini sibi dari postulari lauit. Venienti sacerdoti, pugil cum scypho cereuissæ ebrius occurrens, bibere monuit. Et cum ille responderet: Corpus Domini porto, non modò bibam, iratus Fries cum scypho pixidem percussit, & omnes hostias de illa excuslit, ita ut per pauimentum dispergerentur. Matronæ verò, quæ consolationis gratia conuenerant, super singulas hostias, tanquam stellas radiantes viderunt: quas sacerdos gemens ac dolens, in pixidem recollegit & abiit. Fries verò à Decano prouinciae citatus, excommunicatus est, sed non curauit. Qui tamen ad hoc cōpulsus est, ut cruce pro tanto scutilegio signatus, cū iam dicto sacerdote etiam cruce signato veniret Romā. Cui Dominus Honorius Papa culpam confidenti pro pœnitentia injunxit, ut mare trāsferret, ibique tribus annis in armis CHRISTO serviret. **Quid plura?** Mare trāsferunt ambo, & ante Damiatam mortui sunt ambo. Quibus defunctis, cū anno eodem Dominus prouinciam terribiliter, ut supra dictum est plagasset, & causa plagæ populum lateret, matronæ

*Inimicis
Sacrosanctis
& Eu-
charistia
illata
vindica-
tur.*

matronæ cuidam valde religiosæ, domino in ieunijs,
 orationibus, vigilijs & elemosynis seruienti, mater-
 teræ videlicet Domini * Winiboldi Abbatis sancti ^{* a. vva}
 Bernardi, beata Dei genitrix Maria, lacrymis eius mo-
 ta, populi que misera, apparēs, sic ait: Propter iniuriā
 filij mei in sacramentum corporis eius factam, sub-
 mersa est Frisia, & adhuc amplius plagabitur, si con-
 digna pœnitentia non fuerit subsecuta. Ex quibus ver-
 bis colligitur, quod non solum pugilis, sed commu-
 nibus populi peccatis exigētibus, hoc euenerit. Mox-
 que adjecit Mater misericordiæ: Leua oculos tuos
 contra mare, qd cūm fecisset, cōtemplata est pixidem
 à pugile percussam, in summitate fluctuum natatē;
 quæ cūm in tantum approximasset, vt posset agnoscī,
 ait: Ecce corpus filij mei: in loco enim ubi dispersum
 est, ædificanda est ecclesia, & debet tanta exhiberi
 reverentia, quomodo sepulchro Dominico. Hoc etiā
 noueris, quod ambo mortui sunt, pugil scilicet & sa-
 credos: sed pugil, eo quod sine contritione obierit, se-
 pultus est in inferno; sacerdos vero tenetur adhuc in
 purgatorio. Retulit tamen nobis Theodericus Prior
 de lessé, eundem pugilem, quantum ad signa exterio-
 ra, cū proficisceretur, satis magnam habuisse contri-
 tionem, sed credēdum est beatæ Dei genitrici Mariæ.
 Hac visione cognita, dominus * Theobaldus episco- ^{* a. Thee}
 pus Monasteriensis, ad cuius diœcesim maxima pars ^{derissus.}
 Frisia pertinet? missis literis suis per Ididam sancti
 Bernardi Cellerarium, sicut ipse nobis retulit, sole-
 nem prouincialibus pœnitentiam iniunxit. Quod
 autem insufficiens fuerit, ex hoc probatur, quod anno
 præterito denuo punita est Frisia, multis millibus per
 aquarum inundationes submersis. Matrona quædam
 prædiues, ex prædicti pugilis domo ecclesiam ædifica-
 vit. Ex his quæ dicta sunt, considerare potes, quam so-
 licita sit circa hominū salutē beata Virgo Maria, cui
 tanta cura extitit de pœnitentia. Quod vero tribula-
 torum sit consolatrix, sequentia declarabunt.

CAPVX

